

তৌহিদুল ইসলাম | চট্টগ্রাম | 12 April, 2025

কক্সবাজারের ঈদগাঁও থানা থেকে জুলাই-আগস্ট অভ্যুত্থানে পাঁচ আগস্ট লুণ্ঠিত অস্ত্রসহ কিছু সরঞ্জামাদি উদ্ধার করেছে পুলিশ।

শনিবার ভোররাতে ঈদগাঁও উপজেলার ইসলামাবাদ ইউনিয়নের পশ্চিম গজালিয়া ব্রিজের নিচে এ অভিযান চালানো হয় বলে জানান, ঈদগাঁও থানার ওসি মো. মসিউর রহমান।

উদ্ধার করা হয়েছে, ১ টি দুইনলা বন্দুক, ১ টি হেলার, ১ টি গ্যাস মাস্ক, ১ জোড়া গামবুট, ১ টি রেলিংপাইপ, ১ টি লেগগার্ড ও অস্ত্রের ২ টি সিনিং।

পুলিশ জানিয়েছে, উদ্ধার করা অস্ত্রটি গত উপজেলা পরিষদ নির্বাচনের আগে জনৈক ব্যক্তি থানায় জমা রেখেছিলেন। আর সরঞ্জামাদি থানা পুলিশের ব্যবহার্য ছিল।

মসিউর রহমান বলেন, শুক্রবার গভীর রাতে ঈদগাঁওয়ের ইসলামাবাদ ইউনিয়নের ৮ নম্বর ওয়ার্ড ইউপি সদস্য নাইমুল ইসলাম পশ্চিম গজালিয়া ব্রিজের নিচে ঝোপের মধ্যে থানা থেকে লুণ্ঠিত কিছু অস্ত্র পরিত্যক্ত অবস্থায় পড়ে থাকার তথ্য জানায়। এ খবরে ভোররাতে পুলিশের একটি দল সেখানে অভিযান চালায়।

“এতে ব্রিজের নিচে ঝোপের মধ্যে তল্লাশী চালিয়ে একটি বস্তা পাওয়া যায়। আর বস্তাটি খুলে এসব অস্ত্র ও সরঞ্জামাদি উদ্ধার করা হয়েছে।”

ওসি বলেন, “গত বছরের ৫ আগস্ট জুলাই-আগস্ট অভ্যুত্থানের সময় বিক্ষুব্ধ জনতা থানায় হামলা, ভাঙচুর, লুটপাট ও অগ্নিসংযোগ করে। এসময় থানা থেকে কিছু সংখ্যক অস্ত্র ও সরঞ্জামাদি লুট হয়। আর লুট করা অস্ত্রের মধ্যে থানায় বিভিন্ন সময়ে মানুষের জমা রাখা অস্ত্রও ছিল।

অস্ত্রগুলো জব্দ করা হয়েছে ও জব্দকৃত অস্ত্র কারা ফেলে গেছে এ ব্যাপারে তদন্ত করা হচ্ছে বলে জানান, মো. মসিউর রহমান।

জুলাই-আগস্ট অভ্যুত্থান অস্ত্র উদ্ধার পুলিশ

URL: <https://www.timestodaybd.com/public/chittagong/775807671>